




550



毘陵集

Inches  
Centimetres

**TIFFEN** Color Control Patches

© The Tiffen Company, 2007

Blue

Cyan

Green

Yellow


Red

Magenta


White

3/Color


Black



四部叢刊集部



晁  
陵  
集  
二  
十  
卷  
附  
錄  
補





毘陵集二  
十卷  
附錄補  
遺附

四部叢刊集部

上海涵芬樓景印  
亦有生齋校刊本  
原書版匡高營造  
尺五寸九分寬營  
造尺四寸一分

獨孤憲公毘陵集序

內閣中書舍人武進趙懷玉纂

敘曰習爲纂組詎知麻枲之有功長於蓬茨難語臯應  
之合制文章之道何莫不然故尙藻績者目不眴典謨  
矯侈靡者口薄言騷雅硜硜之守其失維均不爲沂浴  
恐昧流別有唐之興體凡三變天寶而後大歷以前燕  
許云徂韓柳未盛則蘭陵蕭功曹趙郡李員外與常州  
刺史獨孤憲公實比肩焉蕭雖忤於權門李乃汗夫僞  
命揆諸文行未免參差公則讜直著於朝宁愷悌洽乎  
方州凌轢四君

見李舟序

祖述六藝孝經一卷首志立身孔

門諸科幾得具體此其可貴一也唐世文字存者寥寥  
苟有聞見亟宜購訪而茂挺之作屢收於什一遐叔之  
製尤掇於零星殘篇軼簡人以爲病公則首尾廿卷尙  
符唐志靈光之殿巋然獨存積玉之圃浩乎無涖菁華  
所鍾神物加護此其可貴二也退之起衰卓越八代泰  
山北斗學者仰之不知昌黎固出安定之門安定實受  
洛陽之業公則懸然天得蔚爲文宗大江千里始濫觴  
於巴岷黃河九曲肇發源於星宿此其可貴三也琴瑟  
專壹聽者思遷性醪日陳食者生倦求其相濟是在兼  
長公則猷升邦國言炳竹素識大識小亦元亦史語其

矜貴明堂清廟之儀迹彼脩遠青山白雲之概惟昭斯  
融雖淡不厭此其可貴四也然宋槧旣失未聞續雕石  
渠之外世罕傳本是集從歙縣鮑君廷博假得爲長洲  
葉氏奕所藏明吳文定寬在東閣時錄出之本也葉以  
趙氏吳岫本馮氏曹甲本互相參校自詡完書披覽甫  
周譌舛百出病餘多暇悉意勘讎落葉漸掃珠船屢獲  
原集之外復得公雜文如于首其謚議誅傳有涉於公  
足資考鏡者竝附篇後於是已三免譌夏五少闕永嘉  
本出人無逞讀之勞宏農帳深客見不傳之祕矣夫浚  
儀社古形圖去官峴山碑高涕隕行路乘彝攸好靡閒

今昔維公盛德克紹前軌故植檜已朽見蔽芾而如蓬  
召公降露無庭對膏雨而猶思郇伯矧夫譔述彌足珍  
焉余之爲是刻也亦使人知遺愛勿替廉吏可爲身登  
九列不若沒世有稱裝累萬金不若名山藏業後之司  
土同致瓣香學優仕優咸有所勸匪徒表章篇翰蒐輯  
叢殘苟侈山淵以恣采伐而已乾隆五十六年歲次辛  
亥秋八月

唐常州刺史獨孤公文集序

朝議大夫前守虔州刺史隴西李舟述

傳曰物生而後有象象而後有滋滋而後有數數成而  
文見矣始自天地終於草木不能無文也而況於人乎  
且夫日月星辰天之文也丘隴川瀆地之文也羽毛彪  
炳鳥獸之文也華葉彩錯草木之文也天無文四時不  
行矣地無文九州不別矣鳥獸草木之無文則混然而  
無名而人不能用之矣人無文則禮無以辯其數樂無  
以成其章有國者無以行其刑政立言者無以存其勸  
誠文之時用大矣哉在人賢者得其大者禮樂刑政勸

誠是也不肖者得其細者或附會小說以立異端或彫  
斲成言四字英華作以裨對句或志近物以英華作而玩童

心或順庸聲以諧俚耳其甚者則矯誣盛德汙鱣風教  
為蠱為蠹英華為妖為孽噫文之弊有至是者可無痛

乎天后時英華廣漢陳子昂獨泝隕波以趨清源自茲  
作者稍稍而出先大夫常因講文謂小子曰吾友蘭陵

蕭茂挺趙郡李遐叔長樂賈幼幾洎所知河南獨孤至  
之皆憲章六藝能探古人述作之旨賈為宗巡蜀分

命之詔歷歷如西漢時文若使三賢繼司王言或載史  
筆則典謨訓誥誓命之書可彷彿於將來矣嗚呼三公

皆不處此地而連蹇多故唯獨孤至之常州刺史高年

亦促豈天之未欲振斯文耶小子所不能知也已矣常  
州諱及有遺文三百篇安定梁肅編為上下帙凡英華作分

二十卷作為後序常州愛士而肅最為所重討論居多  
故其為文之意肅能言之比葬博陵崔貽孫又為神道

碑悉載事行而痛其不登論道之位崔公剛而好直其  
詞不黨君子謂之知言昔班孟堅美漢得人之盛曰文

章則司馬遷相如又曰劉向王褒以文章顯是則四君  
子者有漢之文雄歟然而遷無鄉曲之譽虧大雅明哲

保身之義英華相如薄於貞操有滌器受金之累向無

威儀遺文以繆而身幾不免褻多為歌頌當時議者以  
為淫靡不急其他無聞焉大較詞人多陷輕躁否則悞  
狹迂僻於事放弛其能蹈履中道可為物主者寡矣孰  
與常州發論措詞皆王霸大略孝弟之至達於神明善  
與英華人交久而敬之當官正色不畏強禦加之以仁  
作於惠愛物吏民敬鄉英華而文又如是乎其餘則二君既  
言之矣今直錄崔氏之作綴於篇末云爾

雲  
輪  
閣

昆陵集卷第一

奎  
路

朝散大夫使持節常州諸軍事守常州刺史賜紫金魚袋獨孤及

賦

夢遠遊賦

詩上二十三首

壬辰歲過舊居

夏中酬于逃畢耀問病見贈

三月三日自京到華陰水亭獨酌寄裴六薛八

海上寄蕭立唐文粹作五

酬梁二十宋中所贈兼別梁少府

東平蓬萊驛夜宴平盧楊判官醉後贈別姚太守置酒畱宴

觀海

甫後公超谷北原眺望寄高拾遺

丙戌歲正月出洛陽書懷

季冬自嵩山赴洛道中

代書寄裴冀劉穎

客舍月下對酒醉後別畢四燿

庚子歲避地至玉山訓韓司馬所贈

下弋陽江舟中代書寄裴侍御

題思禪寺上方

蚤發若峴驛望廬山

癸卯歲赴南豐道中聞京師失守寄權士繇韓

幼深

初晴抱琴登馬退山對酒望遠醉後作

賈員外處見中書賈舍人巴陵詩集覽之懷舊

代書寄贈

寒夜溪行舟中作

江上代書寄裴使君

與韓侍御同尋李七舍人不遇題壁畱贈

李張皇甫閻權等數公竝有送別之作見寄因  
題荅

賦

夢遠遊賦

老氏稱吾所以有大患者為吾有身大哉聖人之知微  
乎夫生者一氣之暫聚耳有天地之和自然之力以運  
其行止節其天壽非智力之所能扶明矣而舉世矻矻  
莫不保持形骸謂為己有執迷妄往而不返小者攘禮  
樂竊忠信以賈譽大者盜天地之權至於忘身道德之  
衰皆英華誤借此物也余生於浮而長於妄汨沒當世與羣

動俱智不能逃形於名聲之韁鑣脫屣於冠冕之籠檻  
及其世界顛倒萬物反覆始返照收視以觀身世然後  
知一生之患假合豈直芻狗土苴英華一作梗熱燄聚沫而  
已則我之身也與百憂偕長沉重險之中乎思欲沖三  
清出五濁乘凌虛極與造物者為伍莫有由矣嘗中夜  
夢飛昇太空若有以名跡見諳者覺而自失乃為賦以  
狀遠遊且旌悟道之晚也其詞曰

仰太素兮觀元精之煙熅孰官司乎物物兮得流形而  
為人太皞遺我八卦藏天地於文字黼而黻之為聖為  
智褒衣之徒相與擊建鼓而揭日月兮奔孝慈而走仁

義其英華一作而弊也古是而今非身賤而名貴驂驪馭選

兮道路屯雲而奔波絢煥轆轤兮玉帛鐘鼓之駢羅霍

燬英華作燬兮心懸天地而火馳蒼黃兮得未終也而失已

繼之百骸與日月竝走英華一作馳五藏與哀樂交戰義和

未及弭轡榮枯紛而萬變何生涯之倥傯兮蹇吾降此

中州憑世道以上下若涉水而無津兮與吹萬同其波

流況世緒塊軋英華作軋兮如夢絲之相膠英華一作膠一見辰極

之低昂兮知杞人之殷憂顧兔呀以蝕月兮天地閉而

雲愁鳳凰焚其故巢兮遶舊國以失儔埃壒燭以上薄

兮虞羅紛其四周吾始未知夫六合湫隘之若此孰與

吾兮遠遊豈無太清之路兮夫何漫漫而迢遞望帝鄉

之低侗兮微白雲與之偕逝澄予神於遙夜與顛氣期

乎無垠真境沕穆以傍感精誠薰然而來親歛乘夢以

奮飛博至靈英華一作虛以上賓望見碧落天地如掌洞開

八門別有萬象亭亭物外乘化直上身世雙遣英華一作遣獨

與道往其往也泛兮若遊魚振鱗而泳清川罔兮若胡

雁得順風而緣秋天忽不知誰之身夫何為者采英華一作

深入空界七耀在下問予津於混茫兮蹇倘佯以延佇

若有人兮縹緲指人間以唁予曰鳳兮鳳兮何德之睽

天固桎若以禮義桔若以機事盍支離其德而起英華一作

逃乎物累使逸翮可得而籠樊兮孰云夫吾毛英華作五色又

作五之自異天運地載剛柔生焉千變萬化如環無端

彼興廢與往復同大壑之波瀾將令歸根明徵其源則

吾與若皆幻也又奚睢盱於其閒幻未始有封物未始

有壇成則虧進則傷無汨而和無易而方山立其中央

善汝行密汝藏道將自光吾在大羅之上元都之所乾

坤為家日月為宇噓吸元氣太虛之下音尚一乃心勿

謂道阻遊乎無窮吾願見汝奉真告以自省兮五情怒

英華作愁其增熱哀攀龍之無階兮思過英華作遇一天之曷月

未知去下方幾萬億兮退將返遵吾歸轍脩玉虛以下

降濟銀漢以中歇憑東井以俯視識故國之城闕千門

萬戶遙如蟻穴百川綺分五嶽羅列覓舊山與喬木纔

依稀而明滅見伊川一有字大道鞠為戎狄歷陽故人半

作魚鼈英華作龜一曩之奔命於市朝者如紛紜飛馳謹謹

啻啻蹙躡蹢躅有翹陸離若畿虱之聚壞絮蜘蛛之乘

遊絲吾乃英華乃字下今日識羣動之變態兮莞然倚

長空而笑之亦既自得周覽未畢惕焉形開萬象如英華

一作失羣有儼以皆作百慮續其來歸乃夙昔之人寢

始故時之喧卑向之俯仰欣感無非妄者然後知吾之

生也與妄英華皆字生邪氣乘之萬緣合并為憂為患為

虧為盈彼君子英華有兮字方碌碌然自以為覺猶飾妄以

賈名安知聖人不以世界為重狴生死為大夢視變化

與英華一作以品類亦猶英華一作由神交英華有之字飛動與遺英華

貴一作物以顧身兮悟生浮而質陋以一氣之倏英華作秒忽

與萬化而紛糅自視狻英華作俄然寄形宇宙尚何能濡首

於榮辱之境甘心英華一作口於哀樂之圃鷓鴣于飛載翻

載翻英華一作翻君子至止栖息化元獨立道英華作乾又作乾樞

怡神胚渾萬物轉薄吾真長存止水不波浮雲無根與

時盈虛委質乾坤倚伏相軋吉凶同源物各自爾予欲

無言優哉游哉聊以窮年

詩上

壬辰歲過舊居

少年事遠遊出入燕與秦離居歲周天猶作勞歌人負  
劍度潁水歸馬自知津緣源到舊廬攬涕尋荒蕞鄰里  
喜相勞壺觴展慙勤酒闌擊欵語及此離會因丈夫隨  
世波豈料百年身今日負鄙願多慙故山春

夏中酬于逖畢燿問病見贈

救物智所昧學仙願未從行藏兩乖角蹭蹬風波中薄  
宦恥降志文粹作淪跡未憶念臥病非養蒙閉關涉兩旬羈思浩  
無窮鶯鶯何處來雙舞下碧空離別隔雲雨惠然此相

逢把手賀疾間舉杯欣酒濃新詩見久要清論激深衷  
高館舒夜簾開門延微風火雲赫嗟峨日暮千萬峯遙  
指故山笑相看撫號鐘聲和由心親事感和氣同出處  
未易料且歌緩愁容願君崇明德歲暮如青松

三月三日自京到華陰水亭獨酌寄裴六薛八

祇役匪遑息經時客三秦還家問節候知到上巳辰山  
縣何所有高城閉青春和風不吾欺桃杏滿四鄰舊友  
適遠別誰當接歡忻呼兒命長瓢獨酌湘吳醇一酌一  
朗詠既酣意亦申言筌斲兩忘霞月祇相新裴子塵表  
物薛侯席上珍寄書二傲吏何日同車茵詎肯使空名

終然羈此身他年解桎梏長作海上人

海上寄蕭立

唐文粹  
作五

朔風翦塞草寒露日夜結行行到文粹  
作屈瀛壖歸思生暮

節驛樓見萬里延首望遼碣遠海入大荒平蕪際窮髮

舊國在夢想故人胡且文粹  
作胡越契闊阻風期荏苒成

雨別海西望京口兩地各天末索居動經秋再笑知曷

月日南望中文粹  
作窮南望盡唯見飛鳥滅音塵未易得何

由文粹  
作以慰飢渴

訓梁二十宋中所贈兼畱別梁少府

少讀黃帝書冑不笑機事意猶負深衷未免名跡累厭

貧學干祿欲徇賓王利甘爲風波人豈復江海意擔簦  
平臺不是日飲羈思逢君道寸心慙喜一交臂緒言未  
及竟離念已復至甯陵望南丘雲雨成兩地途殊迹方  
間河廣流且駛暮帆望不及覽贈心欲醉愛君如金錫  
昆弟皆茂異弈赫連絲衣榮養能錫類君子道未長深  
藏青雲器巨鱗有縱時今日不定

定字俗改足  
吳本亦作足議唯當

加餐飯好我袖中字別離動經年莫道分首易

東平蓬萊驛夜宴平盧楊判官醉後贈別姚太守

置酒畱宴

驛樓漲海壖秋月寒城邊相見自不足況逢主人賢夜

清酒濃人如玉一斗何啻直十千木蘭爲樽金爲杯江  
南急管盧女弦齊童如花解郢曲起舞激楚歌採蓮固  
知別多相逢少樂極哀至心嬋娟少畱莫辭醉前路方  
悠然明日分飛儻相憶祇應遙望西南天

觀海

北登渤澥島迴首秦東門誰尸造物功鑿此天池源  
洞吞百谷周流無四垠廓然混茫際望見天地根白日  
自中吐扶桑如可吳本作何捫迢遙蓬萊峯想像金臺存秦  
帝昔經此登臨冀飛翻揚旌百神會望日羣山奔徐福  
竟何成羨門徒空言唯見石橋足千年潮水痕

雨後公超谷北原眺望寄高拾遺

崖口雨足收清光洗高天虹蜺歛殘靄山水含碧鮮遠  
空霞破露月輪薄雲片片成魚鱗五陵如薺渭如帶目  
極千里關山春朝來爽氣未易說畫取花峯贈遠人

丙戌歲正月出洛陽書懷

往歲衣褐見受服金馬門擬將忠與貞來酬主人恩天  
地慙雷雨洪波生平原窮鱗遂蹭蹬夙昔事罕存幸逢  
帝出震授鉞清東藩白日忽再中萬方咸駿奔王風從  
西來春光滿乾坤螫蟲競飛動余亦辭籠樊遭遇思自  
強寵辱安足言唯將四方志迴首謝故園

季冬自嵩山赴洛道中作

皇運偶中變長蛇食東土天蓋西北傾衆星殞如雨胡  
塵動地起千里聞戰鼓死人成爲阜流血塗草莽策馬  
何紛紛捐軀抗豺虎甘心赴國難誰謂荼葉苦天子初  
受命省方造區宇斬鯨安溟波截鼉作天柱三微復正  
統五玉歸文祖不圖漢官儀今日忽再覩升高混京邑  
佳氣連海浦寶鼎歛景雲明堂舞千羽虎臣口激昂口  
口口禦侮腐儒著縫掖何處議鄒魯西上轅轅山丘陵  
橫今古和風蒸萬物臘月春靄吐得爲太平人窮達不  
足數他日遇封禪著書繼三五

代書寄裴六冀劉二穎

昔余馬首東君在海北音入 盡屏簿領書相與議巖

穴載來詣佳境每山有車轍長嘯林木動高歌唾壺缺

此辭月未周虜馬嘶絳闕猛虎踞大道九州當中裂聞

君棄孤城猶自握漢節恥栖惡木影忍與故山別脫烏

桂嶺雲罔然若鳥逝入聲唯畱潺湲水分付練溪月爾來

大谷黎白花再成雪關梁限天險歡樂竟兩絕大盜近

削平三川今底寧勾芒布春令屏翳收雷霆伊洛日夜

漲鳴臯蘭杜青鸞鸞兩黃鵠何處遊青冥疇昔切玉刀

應如新發硎及時當樹勳高懸景鐘銘莫拖一作抱白雲

意徑往丹丘庭功成儻長挹然後謀滄溟

客舍月下對酒醉後寄畢四耀

鄉路風雪深生事憂患迫天長波瀾廣高舉無六翮獨

立寒夜移幽境思彌積霜月照膽淨銀河入簷白沽酒

聊自勞開罇坐簷隙主人奏絲桐能使高興劇清機斲

無累獻醉更駱驛慷慨葛天歌悒悒廣陵陌既醉萬事

遣耳熱心亦適視身兀如泥瞪目傲今昔故人間城關

音信兩脈脈別時前盟在寸景莫自擲先是畢贈及詩云洪鐘無火停

日月速若飛忽然心與白日鬪十無一滿百寓形薪

火內甘作天地客與物無親疎斗酒勝竹帛何必用自

苦將貽古賢責

庚子歲避地至玉山誦韓司馬所贈

滄海疾風起洪波駭恬鱗已無濟川分甘作乘桴人揮  
手謝秣陵舉帆指甌閩安知風塵表偶與瓊瑤親共悲  
行路難况逢江南春故園忽如夢返復知何辰曠野豺  
虎滿深山蘭蕙新枉君灞陵什迴首徒酸辛

下弋陽江舟中代書寄裴侍御

故鄉隔西日去水連長天前路知幾許但指天南邊愴  
恨極浦外隱映青山連東風滿帆來五兩如弓弦遙羨  
繡衣客罔然馬首先得餐武昌魚不顧潯陽田屈指數

別日忽乎成兩年百花已滿眼春草漸碧鮮豈是離居  
時柰何于役牽洞庭有深涉曷日期歸旋且作異鄉料  
詎知攜手緣離憂未易銷莫道罇酒賢

題思禪寺上方

溪口聞法鼓停橈登翠屏攀雲到金界合掌開禪局鬱  
律衆山抱空濛花雨零老僧指香樓云是不死庭

文粹作亭

非眇眇於越路茫茫春草青遠山噴百谷繚繞馳東溟

目極道文粹作想何在境照心亦冥驕然諸根空破結如破

瓶下視三界狹但聞五濁腥山中有良藥吾欲墮天形

早發若峴驛望廬山

雨罷山翠鮮泠泠東風好斷崖雲生處是向峯頂道誰  
謂峯頂遠跋子可瞻討忘緣祛天機脫屣恨不早祇恐  
歲云暮遂與空名老心往迹未并慙媿山上草

癸卯歲赴南豐道中聞京師失守寄權士繇韓幼  
深

種田不遇歲策名不遭時胡塵晦落日西望泣路岐猛  
虎嘯北風麕麇皆載馳深泥駕疲牛蹠踣余何之詰屈  
白道轉繚繞清溪隨荒谷嘯山鬼深林啼子規長歎指  
故山三奏歸來詞不逢眼中人調苦車倭遲士繇松筠  
操幼深瓊樹姿別來平安不何階一申眉白雲失帝鄉

遠水限天涯昂藏雙威鳳曷月還兩枝努力愛華髮盛  
年振羽儀但令迤難康不負滄洲期莫作新亭泣徒使  
夷吾嗷

初晴抱琴登馬退山對酒望遠醉後作

年長心易感況為憂患纏壯圖迫世故行止兩茫然王  
旅方伐叛虎臣皆被堅魯人著儒服甘就南山田挈榼  
上高磴超遙望平川滄江大如縵隱映入遠天荒服何  
所有山花雪中燃寒泉得日景吐霽一作溜鳴湔湔舉酒

勸白雲唱歌慰頽年微風度竹來韻我號鍾磬一彈一  
引滿耳熱知心宣曲終余亦酣起舞山水前人生幾何

時大半百憂煎今日羈愁破始知濁酒賢

賈員外處見中書賈舍人巴陵詩集覽之懷舊代

書寄贈

海岸望青瑣雲長天漫漫十年不一展知有關山難適  
逢阮始平立馬問平安取公詠懷詩示我江海瀾蹙若  
窺武庫森然矛戟寒眼明遺頭風心悅忘朝餐大駕今  
返正熊羆扈鳴鑿公遊鳳凰沼獻可在筆端繫越有長  
纓封關祗一丸罔然翔寥廓仰望慙羽翰嘉會不我與  
相思歲云殫唯當就佳句持比青琅玕

寒夜溪行舟中作

日沈諸山昏寂歷羣動宿孤舟獨不繫風水夜相逐雲  
歸恆星白露下天地肅月輪大如盤金波入空谷魏闕  
萬里道羈念千慮束倦飛思故巢敢望梧與竹沈吟登  
樓賦中夜起三復憂來無良方歸候春酒熟

江上代書寄裴使君

何地離念劇江臯風雪時艱難傷遠道老大怯前期疇  
昔行藏計祗將力命推能令書信數猶足緩相思

與韓侍御同尋李七舍人不遇題壁畱贈

三徑何寂寂主人山上山亭空簷月在水落釣磯閒藥  
院雞犬靜酒壚苔蘚斑知君少機事當待暮雲還

李張皇甫閣權等數公竝有送別之作見寄因

目錄

錄有答  
題字

洞庭正波蘋葉衰豈是秦吳遠別時謝君篋中綺端贈  
何以報之長相思

毘陵集卷第二終

毘陵集卷第二

朝散大夫使持節常州諸軍事守常州刺史賜紫金魚袋獨孤及

詩中 三十一首

送陳兼應辟兼寄高適賈至

早發龍沮館舟中寄東海徐

文粹  
作李

司倉鄭司戶

海上懷華中舊遊寄鄭縣劉少府造渭南王少

府崧

將還越畱別豫章諸公

雜詩

山中春思

傷春懷歸

九月九日李蘇州東樓宴

李卿東池夜宴

將赴京答李紆贈別

江寧訓鄭縣劉少府見贈別作

送虢州王錄事之任

送長孫將軍拜歙州之任

送何員外使湖南

送江陵全少府赴任

送虞秀才之長沙

送陽翟張主簿之任

送李賓客荆南迎親

訓常郡縣見贈

送游員外赴淮西

送馬鄭州

蕭文學山池宴集

送荆南張判官

送義烏韋明府

送相里郎中赴江西

和虞部韋郎中尋楊駙馬不遇

和贈遠

和題藤架

官渡柳歌送李員外承恩赴揚州觀省

同岑郎中屯田韋員外花樹歌

奉和李尚書畫射虎圖歌

送陳兼應辟兼寄高適賈至

結綠處燕石下和不必知所以王佐才未能忘茅茨罷  
官梁山外穫稻楚水湄適會傳巖人虛舟濟川時天網  
忽搖頓公才難棄遺鳳皇翔千仞今始一鳴岐上馬指  
國門舉鞭謝書帷預知大人賦掩卻歸來詞天子方在

宥朝廷張四維料君能獻可努力副疇咨舊友滿皇州  
高冠飛翠鬣相逢絳闕下應道軒車遲高侯秉戎翰策  
馬觀西夷方從幕中事參謀王者師賈生去洛陽焜耀  
琳瑯姿芳名動百步逸韵凌南皮肅肅舉鴻毛冷然順  
風吹波流有同異由是限別離漢塞隔隴底秦川連鑄  
池白雲日夜滿道里安可思夢想浩盈積物華愁變衰  
因君附錯刀送遠益悽其四海各橫絕九霄應易期不  
知故巢鷺決起棲何枝

蚤發龍沮館舟中寄東海徐

文粹作李

司倉鄭司戶

沙禽相呼曙色分漁浦鳴榔十里聞正當秋風度楚水

況值遠道傷離羣津頭卻望後湖岸別處已隔東山雲  
停文粹誤 鱸目送北歸翼惜無瑤華持寄君

海上懷華中舊遊寄鄭縣劉少府造渭南王少府

壺

涼風臺上三峯月

王任鄭縣日於城角築小臺號涼風臺每興數公置酒登臨望二華雲月

不夜城邊萬里沙離別莫言關塞遠夢魂長在子真家

將還越畱別豫章諸公

客鳥倦飛思舊林徘徊猶戀衆花陰他時相憶雙航葦

莫問吳江深不深

雜詩

百花結成子春物捨我去流年惜不得獨坐文粹空聞  
暮心自有所待甘爲物華誤未必千黃金買得一人顧

山中春思

獼祭川水大人家春日長獨謠晝不暮搔首慙年芳靡  
草知節換含葩向新陽不嫌三逕深爲我生池塘亭午  
井竈閑雀聲響空倉花落沒屐齒風動羣木香歸路雲  
水外天涯杳茫茫獨卷萬里心深入山鳥行芳景勿相  
迫春愁未遽忘

傷春懷歸

誰謂鄉可望望在天地涯但有時命同萬里共歲華昨

長陽集卷二  
夜南山雨殷雷折萌芽源桃不余欺先發秦人家寂寂  
戶外掩遲遲春日斜源桃默無言秦人獨長嗟不惜中  
腸苦但言會合賒思歸吾誰訴笑向南枝花

九月九日李蘇州東樓宴

是菊花開日當君乘興秋風前孟嘉帽月下庾公樓酒  
解畱征客歌能破別愁醉歸無以贈祇奉萬年詠

李卿東池夜宴

得池字

政成機不擾心愜宴忘疲去燭延高月傾壘就小池舞  
盤迴雪動弦奏躍魚隨自是山公與誰令下士知

將赴京答李紆贈別

膠漆常一作長投分荆蠻各倦遊帝鄉今獨往溝水便分  
流甘作遠行客深慙不繫舟思君帶將緩豈直日三秋

江寧訓鄭縣劉少府兄贈別作

往年脫縫掖接武在關西結綬腰章竝趨階手板齊仙  
山不用買朋酒日相攜抵掌誇潭壑忘情向組珪事遷  
時既往年長跡逾睽何爲青雲器獨嗟濁水泥役牽方  
遠別道在或先迷莫見良田晚遭時亦杖藜

送虢州王錄事之任

謂子文章達當年羽翼高一經俄白首三命尙青袍未  
遇須藏器安卑莫告勞盤根儻相值試用發劔刀

送長孫將軍拜歙州之任

臨難敢橫行，遭時取盛名。  
五兵常典校，四十又專城。  
浪逐樓船破，風從虎竹生。  
島夷今可料，繫頸有長纓。

送何員外使湖南

夙昔皆黃綬，差池復瑣闈。  
上田無晚熟，逸翮果先飛。  
前路舟休繫，故山雲不歸。  
王程儻未復，莫遣鯉書稀。

送江陵全少府赴任

豕司方眷選，劇縣得英髦。  
固是攀雲漸，何嗟趨府勞。  
楚山迎驛路，漢水漲秋濤。  
騫翥方茲始，看君六翮高。

送虞秀才擢第歸長沙

充賦名今遂，安親事不違。  
甲科文比玉，歸路錦爲衣。  
海運同鯤化，風帆若鳥飛。  
知君到三逕，松菊有光輝。

送陽翟張主簿之任

舊聞陽翟縣，西接鳳高山。  
作吏同山隱，知君處劇閑。  
少年當效用，遠道豈辭艱。  
遲子揚名後，方期綵服還。

送李賓客荆南迎親

宗室劉中壘，文場謝客兒。  
當爲天北斗，曾使海西陲。  
旄節精誠著，銅樓羽翼施。  
還申供帳別，言赴倚門期。  
恩渥霑行李，晨昏在路岐。  
君親兩報遂，不敢議傷離。

訓常郿縣見贈

愛君脩政若脩身，鰥寡來歸乳雉馴。堂上五弦銷暇日，  
邑中千室有陽春。謂乘鳧鳥朝天子，卻媿豬肝累主人。  
辭後讀君懷縣作，定知三歲字猶新。

送游員外赴淮西

多君有奇略，投筆佐元戎。已佩郎官印，兼乘御史驄。使  
星隨驛騎，歸路有秋風。莫遣無書札，他年懷袖空。

送馬鄭州

使君朱兩轡，春日整東轡。芳草成臯路，青山涼水源。勉  
修循吏跡，以謝主人恩。當使仁風動，遙聽輿誼。

蕭文學山池宴

檀欒千畝綠，知是辟疆園。遠岫當庭戶，諸花覆水源。主  
人邀盡醉，林鳥助狂言。莫問愁多少，今皆付酒罇。

送別荆南張判官

輪車駱馬往從誰，夢浦蘭臺日更遲。欲識桃花最多處，  
前程問取武陵兒。

送義烏韋明府

妙年能致身，陳力復安親。不憚關山遠，寧辭簿領勤。過  
江雲滿路，到縣海爲鄰。每歎違心賞，吳門正早春。

送相里郎中赴江西

君把一尺詔，南游濟滄浪。受恩忘險艱，不道岐路長。戎

狄方構患休牛殊未遑三秦千倉空戰卒如餓狼委輸  
資外府諏謀寄賢良有才當陳力安得遂翱翔豈不愼  
井賦賦均人亦康遙知軒車到萬室安耕桑火伏金氣  
騰旻天欲蒼茫寒蟬慘巴鄧秋色愁沅湘昨日攜手西  
於今芸再黃歡娛詎幾許復向天一方躡躅話世故惆  
悵舉離觴共求數刻歡戲謔君此堂今日把手笑少時  
各他鄉身名同風波聚散未易量曷月還朝天及時開  
智囊前期儻猶闊加飯勉自強

和虞部韋郎中尋楊駙馬不遇

金屋瓊臺蕭史家暮春三月渭川花到君仙洞不相見

謂已吹簫乘早霞

和贈遠

憶昔去年春風至中庭桃李暎瑣窗美人挾瑟對芳樹  
玉顏亭亭與花雙今年新花如舊時去年美人不在茲  
借問離居恨深淺祇應獨有庭花知

和題藤架

萋萋葉成幄璀璨花落架花前離心苦愁至無日夜人  
去藤花千里強藤花無主爲誰芳相思歷亂何由盡春  
日迢迢如線長

官渡柳歌送李員外承恩往揚州觀省

君不見官渡河兩岸三月楊柳枝千條萬條色一一勝  
綠絲花作鉛粉絮葉成翠羽帳此時送遠人悵望春水  
上遠客折楊柳依依兩舍情來郎木蘭舟送郎千里行  
郎把紫泥書東征覲庭闈脫卻貂襜褕新著五彩衣雙  
鳳并兩翅將鷁東南飛五兩得便風幾日到揚州莫貪  
揚州好客行剩淹留郎到官渡頭春闌已應久殷勤道  
遠別爲謝大隄柳攀條儻相憶五里一迴首明年柳枝  
黃問郎還家否

同岑郎中屯田韋員外花樹歌

東風動地吹花發渭城桃李千樹雪芳菲可愛不可畱

武陵歸客心欲絕金華省郎惜佳辰祇將棣萼照青春  
君家自是成蹊處況有庭花作主人

和李尙書畫射虎圖歌

飢虎呀呀立當路萬夫震恐百獸怒彤弓金鏃當者誰  
鳴鞭飛控流星馳居然畫中見真態若務除惡不顧私  
時和年豐五兵已白額未誅壯士恥分銖遠邇懸穀中  
不中不發思全功捨矢如破石可裂應弦盡敵山爲空  
殺氣滿堂觀者駭颯若崖谷生長風精微入神在毫末  
作績造物何同功方叔秉鉞受命新丹青起予氣益振  
底綏靜難功可擬嗟嘆不足聲成文他時代天育萬物



喜辱韓十四郎中書兼封近詩見示因代書題

荅

同皇甫侍御齋中春望見示

荅李滁州題庭前石竹花見寄

暮春於山谷寺上方遇恩命到加官進服誚皇

甫侍御見賀之作

和張大夫秋日有懷呈院中諸公

和張大夫秋夜書情

傷春贈遠

送陳王府張長史還京

荅皇甫侍御北歸畱別

得柳員外書封寄近詩書中兼報新主行營兵

馬因代書戲荅

同文粹作奉同徐侍郎五雲溪新亭重陽宴集作

和中書常舍人晚秋集賢院卽事寄贈徐薛二

侍郎

登後湖亭傷春懷京師故舊

荅李滁州見寄

水西館泛舟送王員外

得李滁州書以玉潭莊見託因書春思以詩代

荅

題玉潭

荅李滁州憶玉潭新居見寄

和李大夫同呂評事太行苦熱行兼寄院中諸

公

雨後陪王員外泛後湖

陪王員外北樓宴待月

代書寄上李廣州

峴水望番禺迢迢青天末鴻雁飛不到音塵何由達獨  
有興人歌隔雲聲誼聒皆稱府君仁百越賴全活推誠

魚鼈信持正魑魅怛疲民飽中和性足無天闕天子咨  
四岳佇公濟方割幾時復旋歸入踐青瑣闥賤子託明  
德繚若松上葛別離鄙恹生結念思所豁門闌關山阻  
岐路天地闊唯憑萬里書持用慰飢渴

自東都還濠州奉酬王八諫議見贈

關西仕時俱稚容彪彪之鬢始相逢天地變化縣城改

天寶中及尉華陰鄭縣別後經祿山之亂鄭縣殘毀城移於州西獨有故人交態在不

言會合跡未并猶以歲寒心相待洛陽居守寄鄴侯君

著貂冠參運籌高閣連雲騎省夜新文會友涼風秋青

袍白面昔攜手冉冉府趨君記否雲分雨散十五年始

得一笑罇酒前未遑少畱驟遠別况值旅雁鳴秋天二  
華舊遊如夢想他時再會何由緣賴君贈我郢中曲別  
後相思被管弦

訓皇甫侍御望天灣山見示之作

早歲慕五嶽嘗為塵機礙孰知天柱峯今與郡齋對隱  
嶙抱元氣氤氳含青靄雲崖媚遠空石壁寒古塞漢王  
南遊日望秩此昭配法駕到谷口禮容振荒外焚柴百  
神趨執玉萬方會天旋物順動德布澤霽霈講武威已  
耀學仙功未艾黃金竟何成洪業遽淪昧度世若一瞬  
昨朝已千載如今封禪壇唯見雲雨晦長望哀往古勞

生慙大塊清暉幸相娛幽獨知所賴寒城春方正初日  
明可愛萬殊喜陽和余亦荷時泰山色日夜綠下有清  
淺瀨媿作拳樓人沈迷簿書內登臨歎拘限出處悲老  
大况聽郢中曲復識湘南態思免物累牽敢令道機退  
瞞然一作承日誦佳句持比秋蘭佩

垂花塢醉後戲題

賦得俱字韻  
并序一音

莊周臺南十許步有丘一成上有樛藤垂花而蔓草荒  
之且隔大溝路不可陟道士張太和伐薪為堰封土以  
壅澮余亦命薤氏治蕪穢而剗宿莽遂別為登賦之位  
位廣一席席間足以函罇酒二簋三月戊子及羣英由

堰而升焉諸花倒垂下拂杯案紫葩繡綻如釵如旒衆  
君子瞻弄之不足故秉燭進酒以繼落日欲稱醉而不  
能也因命其地曰垂花塢堰曰緣花堰亦飾之以詩云  
紫蔓青條覆酒壺落花時與竹風俱歸時自負花前醉  
笑向鯨魚問樂無

登山谷寺土方荅皇甫侍御臥疾闕陪車騎之贈

梵宮香閣攀霞上天柱孤峯指掌看漢主馬蹤成蔓草

寺中聞石上有竅穴故法王身相示空棺禪門第三祖

老相傳云漢武帝馬跡在此坊天寶中別駕李常開棺取燦太師遺塔

金身茶毗收舍利重起塔供養雲扶踴塔青霄庫皮寄  
反松蔭禪庭白石寒不見戴逵心莫展賴將新贈比琅

玕

詣開悟禪師問心法次第寄韓郎中

障深聞道晚根鈍出塵難濁劫相從慣迷途自謂安得  
知身垢妄始喜額珠完欲識真如體君嘗法味看

喜辱韓十四郎中書兼封近詩見示代書題荅

各牽于役問遊遨獨坐相思正鬱陶長跪讀書心慙緩  
短章投我曲何高宦情緣木知非願王事敦丁同人敢

告勞所歎在官成遠別徒言阮水纔去聲容舫

同皇甫侍御齋中春望見示之作

望遠思歸心易傷況將衰鬢偶年光時攀芳樹愁花盡

晝掩高齋厭日長  
甘比流波辭舊浦  
忍看新草徧橫塘  
因君贈我江楓詠  
春思如今未易量

荅李滁州題庭前石竹花見寄

殷

烏門反

疑曙霞染巧類  
匣刃裁不怕南風  
熱能迎小暑

開游蜂憐色好  
思婦感年催  
覽贈添離恨  
愁腸日幾迴

暮春於山谷寺上方遇恩命加官賜服  
詔皇甫侍

御見賀之作

天書到法堂  
朽質被榮光  
自笑無功德  
殊恩謬激揚  
還登建禮署  
猶忝會稽章  
佳句慙相及  
稱仁豈易當

和張大夫秋日有懷呈院中諸公

至公無暇日  
高閣閉秋天  
肘印拘王事  
籬花思長年  
績成心不有  
慮澹物猶牽  
竊效泉魚躍  
因聞郢曲妍

和張大夫秋夜書情卽事

上略當分閫  
高情善閉關  
忘機羣動息  
無戰五兵閒  
鈴閣風傳漏  
書窗月滿山  
方知秋興作  
非惜二毛斑

傷春贈遠

去水流年日  
竝馳年光  
客思兩相隨  
咨嗟斑鬢今  
承弁慙媿新荷  
又發池楊柳  
逶迤愁遠道  
鷓鴣啁哳怨南枝  
憶君何啻同瓊樹  
但向春風訴別離

送陳王府張長史還京

論齒弟兄列爲邦前後差十年方一見此別復何嗟極  
目故關道傷心南浦花少時相憶處招手望行車

荅皇甫十六侍御北歸留別作

正當楚客傷春地豈是騷人道別時俱徇空名嗟欲老  
況將行役料前期勞生多故應同病羸馬單車莫自悲  
明日相望隔雲水解顏唯有袖中詩

得柳員外書封寄近詩書中兼報新主行營兵馬

代書戲荅

郎官作掾心非好儒服臨戎政已聞說劍嘗宗漆園吏  
戒嚴應笑棘門軍遙知抵掌論皇道時復吟詩向白雲

百越待君言卽敘相思不敢愴離羣

文粹作徐侍郎五雲溪新亭重陽宴集作

萬峯蒼翠色雙溪清淺流已符東山趣况值江南秋白

露天地肅黃花門館幽山公惜美景肯爲芳罇留五馬

照池塘繁弦催獻酬臨風文粹作孟嘉帽乘興李膺舟

騁望傲千古當歌遣四愁豈令永和人獨擅山陰遊

奉和中書常舍人晚秋集賢院卽事寄贈徐薛二

侍郎

漢家金馬署帝座紫微郎圖籍凌羣玉歌詩冠柏梁陰  
陰萬年樹肅肅五經堂揮翰忘朝食研精待夕陽晴空

露盤迴秋月瑣窗涼遠興生斑鬢高情寄縹囊葳蕤雙  
鸞鴛夙昔竝翱翔汲冢同刊謬蓬山共補亡差池推羽  
翮流落限江湖禁省一分袂旻天三雨霜石渠遺跡滿  
水國暮雲長早晚朝宣室歸時道路光

登後湖亭傷春懷京師故舊

昨日看搖落驚秋方怨咨幾經開口笑復及看去聲花時  
世事空名束生涯素髮知山山春草滿何處不相思

前年春與獨孤常州兄花時為別倏已三年矣今

鶯花又爾覩物增懷因之抒情聊以奉寄時蒙溪幽居在

義興益增懷想

李幼卿

近日霜毛一番新別時芳草兩迴春不堪花落花開處  
況是江南江北人薄宦龍鍾心嬾慢故山寥落水滄淪  
緣君愛我疵瑕少願竊仁風寄老身

荅李滁州見寄

相逢遽歎別離牽三見江臯蕙草鮮白髮俱生歡未再  
滄洲獨往意何堅愁看郡內花將歇忍過山中月屢圓  
終日望君休汝騎媿無堪報起予篇

水西館泛舟送王員外

單醪敢獻醉曲沼荷經過汎覽親魚鳥黃緣涉芰荷劇  
談增惠愛美景借清和明日汀洲草依依柰別何

得李滁州書以玉潭莊見託因書春思以詩代荅  
春物行將老懷君意詎堪朱顏因酒強白髮對花慙日  
日思瓊樹書書話玉潭知同百口累曷日辦抽簪

題玉潭

碧玉徒強名冰壺難比德唯當寂照心可竝齋淪色

荅李滁州憶玉潭新居見寄

從來招隱地未有剖符人山水能成癖巢夷擬獨親猪  
肝無足累馬首敢辭勤掃洒潭中月他時望德鄰

奉和李大夫同呂評事太行苦熱行兼寄院中諸  
公

駟馬上太行脩途互遶碣王程無畱駕日昃未遑歇請  
問此何時恢台朱明月長蛇稽天討上將方北伐明主  
命使臣皇華得時傑已忘羊腸險豈憚溫風熱搖策汗  
滂滄登崖思紆結炎雲如煙火溪谷將恐竭晝景絕可  
畏涼颺何由發山長飛鳥墮目極行車絕趙魏方倣擾  
安危俟明哲歸路豈不懷飲冰有苦節會同傳檄至疑  
議立談決況有阮元瑜翩翩秉書札起予歌赤坂永好  
踰白雪誰念剖竹人無因執羈紲

雨晴後陪王員外泛後湖得溪字

遠山媚平楚宿雨漲清溪  
公沂任舟楫歡言無町畦酒

酣相視笑心與白鷗齊

陪王員外北樓宴待月

勸酒論心夜不疲  
含情有待問誰思  
佇看晴月澄澄影  
來照江樓酩酊時

毘陵集卷第三終

毘陵集卷第四

朝散大夫使持節常州諸軍事守常州刺史賜紫金魚袋獨孤及

表上

代文武百官賀芝草表

賀擒周智光表 代宗永泰二年

賀袁倬破賊表

請降誕日置天興節表

賀櫟陽縣醴泉表

賀太陽當虧不虧表

賀潞州芝草嘉禾表

諫表

為李給事讓起復尚書右丞兼御史大夫表六

首

為譙郡唐太守賀赦表

為張濠州謝上表

代文武百官賀芝草表

英華無文  
武二字

臣某

英華某下有等  
字無臣等二字

言臣等伏見開府儀同三司魚朝

恩奏含暉院及白華亭院內竝芝草生者臣等謹披圖

按牒

五字英華作  
謹按圖牒

竊考前志

英華作  
作典

蓋王者以道莅天下

而德及庶物則有神木靈草

英華作靈  
木神草

儲祥

英華作  
作社

效異

陛下賢聖恭儉慈仁愛人開闡學校尊教勸德將以五

經根本庶政風化所浹人神以和和氣旁感蒸而為瑞

入字作和氣旁  
達感蒸為瑞

不然豈靈芝菌蠢異處同植不產他宇

必於宸居睚睨九葩之蓋煌煌三秀之質蓋表陛下之

欽明光宅以人文成化靈根碩茂萬葉無疆神應炳然

天意如荅臣等獲忝朝列幸覩禎祥臣無任嘉慶之至

賀擒周智光表

代宗永泰二年

臣等言臣聞征而無戰王者之師也將而必誅春秋之

義也臣伏見周智光傲很頑虐昏迷猖狂

英華作狡

敢專生

煞之威以慢王度崇飾姦慝之志自干天誅陛下謂罪

在已躬視人如子永言式遏之義不得已而用師而將

纔受鉞兵未血刃已梟元惡之首載安舊汚之俗昔漢

征黥布望陳英華作塵而夔殷伐鬼方積年乃克豈若陛下

朝命將帥夕殲渠魁制勝神速從古未有臣等無任英華

作不慶使之至懷玉按此表文苑英華誤作獨孤受

賀袁修破賊表

代宗寶應二年

臣某等言臣等伏見河南副元帥行軍司馬太子右庶

子兼御史中丞袁修露布奏今年五月十七日破石埭

城賊方清并降烏石山賊陳庄等徒黨二一作三萬五千

五百人者臣聞聖人之生不能使大盜不起故唐虞之

代時則有三苗之師姦宄草竊為患舊矣山賊方清等

叢爾狂狡敢干天誅聚椎英華作輕剽之徒謂險遠可恃作

為蛇豕以荐食旬吳乃有跨據大江吞噬東土之計七

州之地人罷耕織英華作物弊百姓業業全活無所陛下

銳志於偃武不得已而用兵英華作師乃命將受略使先勝

後戰故修等役不再舉而師英華作用有成績巢窟皆傾俾

無遺類註誤之輩得返故業汙俗更始流人汔康此三

代之舉也非陛下齊聖格天文思柔遠豈能底綏盜亂

如此其速臣等幸覩成功不勝大慶臣無任抃躍之至

云云

請降誕日置天興節表

臣某等言臣聞天有春秋冬夏之氣時也時有分至啓  
閉之候節也至若寒食上巳端午重陽或因人崇尚亦  
播為風俗况歷運光啓聖人降生固宜紀載震之辰與  
入節同號故元宗生日命曰天長節肅宗生日命曰天  
平地成節竝以飲食宴樂布慶萬方使賜及同軌風流  
後代陛下纂祖宗純懿與天地同德禮樂克修憲章咸  
備而誕聖之日未有嘉名將何以表出震之期慶流虹  
之瑞率土延企思扇舊風是以臣等顛顛不勝大願願  
以十月十三日為天興節其王公士庶上壽作樂悉如

開元乾元故事上以殷薦崇先天不違之德下以布澤  
錫萬代無疆之休使知社鳴河清實在茲日臣無任

賀櫟陽縣醴泉表

臣等言伏見京兆尹李勉奏櫟陽縣有醴泉湧出飲之  
者痼疾皆愈臣聞王者澤周庶類則神降百祥天地之  
心去人不遠陛下厚德載物與坤同符以善利人如水  
潤下故后土獻瑞湧泉療疾靈源酌而不竭沈痼飲而  
皆痊勿藥之喜萬人是賴仰窺天意豈不以是彰陛下  
之德施乎不然何衆庶顛顛強名聖水彼丹井朱草白  
麟赤雁徒稱太平之瑞未聞功施於人方之聖泉豈喻

神異臣等無任喜慶之至

賀太陽當虧不虧表

代宗大歷十三年

臣某等言伏見今月十一日雲物陰晦太陽當虧不虧者  
臣聞殷太戊宋景公皆修德立言而妖變為福陛下以  
日月薄蝕勞謙惕厲而災不勝德雲為垂陰若天降衷  
使其謫收英華收不見易象曰既憂之咎不長也臣等  
無任欣戴之至

賀潞州芝草嘉禾表

臣某等言臣伏見陳鄭澤潞隴右節度使奏潞州使院  
行軍司馬裴政廳梁柱上生紫芝草七莖長子縣厚載

鄉生嘉禾兩莖同一穗者臣聞靈芝嘉禾太平之瑞昔  
在周漢嘗表休徵當時福應疾如影響今庶政方乂而  
二瑞荐臻是天降殊祥用彰有德豈非陛下寶持慈儉  
輯柔遠邇克俾天下和平當如周漢之盛乎神祇景貺  
實甚昭晰彼唐叔之獻與齊房之歌明德所感古今同  
契臣無任

諫表

臣某言伏見陛下屢發德音招延獻納使左右侍臣得  
直言極諫忠謇者無不聽狂英華許者無不容又辛丑  
唐書作詔書詔裴冕崔渙等十有三人並集賢殿待制  
壬辰

以備詢事考言之問此五帝之盛德也而臣以目睹生  
則幸矣然頃者陛下雖容其直而不錄其言進匭上封  
者大抵皆事寢不報書畱不下但有容諫之名竟無聽  
諫之實遂使諫者稍稍自引英華作省鉗口就列飽食偷安  
相招爲祿仕此忠鯁之士所以竊歎而臣亦恥之十室  
之邑必有忠信如孔丘者況以朝廷之大卿大夫之衆  
而陛下選受之精與假令不能如文王之多士堯舜之  
比屋其中豈不有溫故知新可使懋陳政要而億則屢  
中者乎陛下唯虛存其儀令條奏不曠及議政之際曾  
不採其一說堯之疇咨禹之昌言豈若是耶昔堯設謫

木於五達之衢孔子亦曰以能問於不能以多問於寡

又曰丘也幸苟有過人必知之然則多聞闕疑不恥下

問聖人之心也臣不勝大願願陛下試英華作誠以堯孔之

心爲心日降清問啓其宏說英華有某字不可者罷之可者

議之於朝與執事者共之英華有使字知之必言言之必行

行之必恭則君臣無私論朝廷無私政英華作事天下無私

是英華作政陛下以此辯可否於獻替而建太平之階可也

況國體乎自師興不息十年矣萬英華作百姓姓之生產空於

杼軸擁兵者第館互街陌奴婢厭酒肉而貧人羸餓就

役剝牀英華作刻剝及膚長安城中白晝椎剽京兆尹不敢

詰加以官亂職廢將墮卒暴百揆隳刺如紛麻沸粥百  
 姓不敢訴於有司有司不敢聞於天聽士庶茹毒飲痛  
 窮而無告今其心顛顛獨恃於麥麥不登則易子齧骨  
 可跂而待眠於焚薪之上英華危於英華此陛下不  
 以此時軫薄冰朽索之念厲精更始思所以救之之術  
 忍令宗廟有累卵之危英華百姓悼心而失圖臣實懼  
 焉去歲十二月丁巳夜中星隕如雨昨者清明降霜三  
 月苦熱寒暑氣候錯綜顛倒沴莫大焉豈下凌上替怨  
 讟之氣焰以取之耶不然天意之丁寧譴誠英華以  
 是英華警陛下陛下宜返躬罪己旁求賢良者英華無  
 作此

而師友之黜棄貪佞不肖而竊位者下哀痛之英華無  
 詔去天下所疾苦廢無用之官罷不急之費禁止暴兵  
 節用愛人罔使宦官亂國政佞言敗厥度兢兢乾乾以  
 徼福於上下必能使天誠感而神心應英華作天神  
 妖災以為和英華氣彼太戊桑穀宋景熒惑焉足為陛  
 下道哉臣一英華無一字昨陳奏請減江淮山南等諸道兵  
 馬以贍國用陛下初不以臣言為愚妄許當施行然及  
 今日未有沛然之詔臣竊遲之今天下唯朔方隴西有  
 吐蕃僕固之虞邠涇鳳翔等兵足英華有當之矣自此  
 而往東洎海南至番禺西盡巴蜀萬里無鼠竊之盜已

積歲矣而兵不為之解傾天下之貨竭天下之穀以給

不用之軍英華作兵而為無竭英華作端之費臣不知其故假令

居安思危英華作慮危用唐書作以備不虞自可於阨要英華作害之地

少置屯禦餘悉休之以其糧儲屏履之資充疲人貢賦

歲可以減國賦之半陛下豈遲英華作持疑于改作遂巡于

舊貫使大議有所壅而率主英華作兵卒之患日甚一日是

益其弊而厚其疾也臣竊恐焉夫瘵癯者必決之使潰

今兵之為患猶癯也不以漸戢之其害滋大大而圖之

必力倍而功寡豈周易不俟終日之義與伏惟圖其始

而要其終天下幸甚臣無任懇款之至

為李給事讓起復尙書左丞兼御史大夫等二表

草土臣某言臣昨以哀瘵愚懇昧死上陳冀迴日月之

光曲全英華作成螻蟻之志英華作命伏奉丁酉詔報未蒙矜允

捧讀聖旨五情殞絕臣某中謝臣伏以適四方宣王命之

任必擇職位素貴英華作高聞望炳著學能專對才有餘力

者以充其選臣以宗室末屬妄荷寵命惟英華作推才與智

俱不如人況今衰羸殘喘加以病苦支離沈瘵歷夏及

秋終日不過一食不杖不能自起自料若力疾祇命適

數千里雖欲自強必中道委頓璽書詔旨廢失是憂臣

伏見廣德二年七月赦書罷天下起復之官許英華作俾終

喪禮此陛下孝德過於兩漢英華作然渙汗之發率土

霑濡霑英華作豈獨令臣隔在赦外又尚書右丞會府之

樞轄御史大夫天下之繩準英華作宣慰巡檢英華作撫朝

廷之大寄今臣授此三職而以起復為名因臣過舉破

陛下法英華作今使百寮師師何以取則臣夙遭不造備

生人之艱官始一命先臣棄背慈英華作母鞠育至於

成立遭罹二京覆沒弱弟以宗室見害臣惻然茹痛獨

侍板輿備嘗險阻冀及榮養纔擢掖垣慈顏違代罔極

之痛終天莫追今靈筵未塵墳土尚溼遽令英華作臣荷

金印之寵處皇華之榮使總帷廓然奠祭無主此恆情

之所不忍也陛下其忍之乎伏乞以聖慈曲臨皇明下

照矜臣厄英華作察臣不逮更擇時彥授之使職許臣

得以羸骸終其喪紀實天地之施鍾於臣身倘殘魂未

英華作滅朽英華作質可委誓當摩頂至踵以荅聖造臣無

任哀瘵懇迫之至

勅卿朝廷雅望宗室良才爰自居喪頗聞過禮將宣國

命允藉親賢舉其權道之文以申必行之旨載循來表

具悉哀誠宜抑情而奉公佇銜恤以從政即宜斷表也

第三表

草土臣某言臣再以微誠伏闕英華作請命綸言累降天

恩英華作九亦有生齋校本

聽未回仰戴聖情俯循哀感感吳本旁校作感悲懼交迫悼心

失圖臣某謝中臣才能不及中人且未嘗有毫髮勳效陛

下不以臣不肖特降殊私授以驅馳之任賜以親賢之

目臣且匍匐奉詔戮力將命寧敢矯禮為名以讓自飾

顧臣羸瘵奄奄行步支離力有所不任用有所不逮風

憲重任也宣撫大典也誠恐以疾墜王英華作天命隳使職

負陛下所舉以重臣之罪方今濟濟多士盈於朝列陛

下捨而勿英華作不用而拔臣於苦廬之中必以臣智識英華

職作守為小有可採臣之他日猶不如人況今疋劣餘息

方寸紊矣焉能為陛下震揚休命覽觀風俗竊自惟忖

知不勝任是以拳然丹誠猶冀識察陛下仁聖孝德錫

類海內豈令善貸不霑臣身敢希英華作冀殊造俯遂微懇

則死之日生之年也臣無任哀懼之至

第四表

臣某言一昨臣以哀瘵叨奉恩私封章三上不蒙矜允

猥以羸薊之質謬銜出疆之命賴陛下威靈免貽咎責

復得待罪朝闕英華作廷許英華作拜守凡筵仰荷天慈英華作恩俯

慙靈祐臣某謝中頃陛下不以臣駑蹇特加寵渥者豈非

知臣屬忝宗盟曾奉使河朔謂能闡揚天旨懷柔遠方

而尚書省材賢如林庶政必舉陛下垂拱羣臣守職固

不假臣以區區之力重尸省闡明矣今將命既復本職  
 未解敢恃皇眷輒復陳乞臣熒然在疚獨無兄弟荼毒  
 日淺創鉅痛甚且又疾疹英華作病四體支離重寄榮遇人  
 之所欲力有不任名英華作豈敢虛受此臣所由拳拳不已  
 有望於陛下也臣伏以三年之喪未足申罔極之恩先  
 王制禮以節人情臣在喪未踰英華作及一年奉使已歷三  
 月若又假國家名器食陛下祿俸是臣亡母於臣有終  
 身之愛而臣於亡母無數月之報先聖以孝感為號陛  
 下以孝德格天錫類之恩宜及海內今寵命一降使臣  
 有不孝之目子而不孝如臣英華作臣亦不忠不孝不忠人

所當棄豈足為陛下操持綱轄彌綸憲章臣之頑固猶  
 知不可況天下僉論朝廷公英華作與議乎伏願許臣免官  
 遂臣私志倘終喪紀倘有餘息誓當摩頂粉骨以荅殊  
 恩臣無任

第五表

臣某言臣去冬十一月某日又詣銀臺門下上表陳情  
英華作乞至今積旬未奉恩旨屏營無地哀惶疚心臣某中謝

臣叢爾朽質叨奉明恩違天固辭豈不知辜實由侍陛  
 下蒸蒸之德故敢守臣子區區之意伏以忠孝之道禮  
 生於情資親事君愛敬同等臣生處聖代齒力未衰致

身日長效節途遠獨慈親違棄永往莫追先王制禮居喪之紀有限昊天不弔欲報之德罔極而今茹痛緘哀英華冒作恃寵于責雖欲僮俛從事使臣何以爲心蓋三年之喪金革無避自魯公伯禽晉襄公始也實以徐戎秦師之役有爲爲之非是則否故孔子對子夏問曰以三年之喪從利者吾不知也今朝廷無徐秦之難臣非金革之任竊陛下名器是從利於喪也食稻錦衣之責捨臣誰歸凡曲全萬物使不失性英華作情天地之仁也鞠育嫗煦知寒熱疾痛父母之慈也兼英華慈二字而有之明君之惠也臣是以又持惓款昧死上言竊希天父之恩

不奪臣子之志泣血待命惟陛下省察臣無任

第六表

臣頃頓首昧死詣闕累陳情狀肝膽悉以披露懇誠冀蒙識察於今浹辰德音不下實由臣詞淺意陋無以動天哀懼英華作悼失圖踟躕無地臣某中謝臣雖親忝葭莩才實駑鈍位忽過量英華作重恩亦加等宜竭筋力仰酬造化豈敢飾讓自言企禮顧望嘗聞上有至仁之君則下無失性之人英華作臣陛下以蒸蒸聖德格於上下故哀哀孝思敢辭榮祿英華寵榮陛下豈忍抑其微誠假令臣損情變禮陳力就列亦猶雙鳧乘雁何補江海況敢貪不次

之寵遺罔極之報因喪從利以哀爲榮此臣所以屢黷  
天威望迴宸英華聽懇至之願形於累表拳然待命惟  
聖慈察之臣無任

第七謝免起復表

臣某言伏奉某月日批勅矜臣荒謬英華之情許以殘  
喘終喪使奉几筵獲展哀報陛下誕敷五教惇敘九族  
以臣屬忝枝葉衰纏蓼莪故恤以皇慈使及於禮天地  
之意曲全人欲日月迴照下及苦廬伏讀詔書感懼交  
集仰戴聖造若蚊負山屏營瞻奉惶懼隕越臣無任哀  
戴之至

爲譙郡唐太守賀赦表

臣某言伏奉二月五日制書大赦天下喜氣動天榮光

被物百

英華  
作鬼

神踊躍衆庶悅豫臣某

中

謝臣聞大

英華  
作天道

所寶莫先於慈聖人之德無以加孝陛下執大象以御

物不得已而用兵假一戎之威爲萬物戡難再造區宇

以匡

英華  
作

黎元慈之至也纂服配天不失舊物然後增

鴻名以嚴父正榮號以恭己无元本本尊尊親親孝之

大也猶慮物有不遂其性政有不阜於俗宏肆眚之恩

與天下更始滌瑕蕩穢燭幽及微風行物表鏡照海內

雷作而萬戶蟄振網開而三面鳥飛陽春無私品物何

幸臣位忝邦守預沐渥英華作湛恩臣英華無此字無任扑躍之至謹奉表陳賀以聞

為張濠州謝上表

臣沐英華作休言頃陷身凶族待罪黃沙戮社釁鼓職英華作是

臣之分陛下照臣以日月之光察其微懇拔臣於縲絏

之下授以專城今日餘生實聖朝所賜寵章榮命豈賤


臣之心碎首粉骨未蒼天造今以某月某日到濠州上


訖類表作到州上訖謹當竭力官守英華作守官正身率下勉勵苦

節綏安英華作緝綏疲人冀立犬馬之誠或申絲髮之效無

任感懼之至謹附表陳謝以聞

毘陵集卷第四終





昆陵集卷第五

朝散大夫使持節常州諸軍事守常州刺史賜紫金魚袋獨孤及

表下 十三首

為江淮都統使賀田神功平劉展表

為杭州李使君論李藏用守杭州功表

為江淮都統使奏破劉展兵捷書表

為江淮節度奏破餘姚草賊龔厲捷書表

為張洪州謝上表

為獨孤中丞天長節進鏡表

為獨孤中丞謝讓官爵表

為獨孤中丞謝紫衣銀盤碗等表

謝濠州刺史表

謝舒州刺史兼加朝散大夫表

謝加司封郎中賜紫金魚袋表

謝常州刺史表

常州奏甘露降松樹表

為江淮都統使賀田神功平劉展表

上元二年

臣某言得田神功等狀稱官軍以正月二十六日過江

大破賊衆擒元惡於蒜音山之下兇殘撲滅江界無事

臣某誠懽誠喜頓首頓首臣聞四時成歲秋為英華作實司

殺故

英華無故字

聖人則之以作五兵蓋姦宄寇賊或乘釁

而起則

英華無則字

干戈弧矢亦有時而動自陛下率遏亂

略再造區宇櫓槍旬時

英華作始

竹破瓦解蕞爾狂狡敢干

天誅作為長蛇荐食江漢乃矯誣我天英華命攘竊我

王師暴殄我城邑傲擾我邊鄙荆吳之人若墜泉谷萬

姓業業奔走

英華作云我

無所陛下神聰

一作聽

不測睿算無

方將欲擒之必固縱之先修其心而厚其毒然後制勝

兩楹之下授略千里之外使神功等一戰而陷陣再戰

而逐北三戰而擒其渠魁繫頸以索覆巢傾穴

英華作卯刮

野掃地如烈風之破駭浪嚴霜之隕英華落葉浹辰之

丙平揚州定淮南下朱方收三吳流亡者復故業塗炭者返壽域扇以皇風與之更始遂令東土耆老英華作舊復

見漢官威儀非陛下乃武乃文之鴻烈日用不知之元化熟能陰騭聖功如此其英華作神速臣無任慶抃之至

為杭州李使君論李藏用守杭州功表

臣某言臣聞當逆賊劉展擁兵過江之日變起倉卒鋒不可當人心動搖英華作殆物情危駭五道節制望風潰散

自淮而南至於海隅遂無敢保一城能守一節者唯少府少監李藏用以宗室近屬憂國如家臨危抗憤忠勇

奮發收聚散卒糾合義師英華作士挺身履險出萬死一生

之地與賊轉戰堅守蘇州相持經月殺獲過當使兇徒

逆黨二字英華作賊徒鋒銳挫衄自此王師載英華作始張賊眾知

懼其後以外援不至眾寡懸絕遂移師就險英華作險退保

杭州當此之時江淮諸軍已散平盧之師未至三分全

吳賊有其二藏用且募且戰英華作戰士獨守孤城以忠義

感激令驍雄樂用旬月之內致死士三千賊遣偽將張

景超孫待封等盡銳率眾分道來攻藏用與將士等戮

力一心義形於色殊死決戰奮不顧身遂能兵鋒所加

無不摧陷皆一舉盡敵覆而屠之前後俘斬虜獲至數

萬計向使微夫人之力扞此州之境則江介土宇盡為

戎疆海隅蒼生非復我有由是浙江之外英華作西南至閩

嶺士庶免有波逆道路窮寇不敢英華作能搪揆藩籬屏息

舊疑脫誤按英華無屏息二字便可讀風波晏然百姓樂業父不喪子兄

不哭弟藏用之功也今都統使停本職已罷孤軍無主

莫知適從將士嗷嗷未有所隸天聽高邈無人為言遂

使殊勳見委忠節未錄口不言賞賞亦不及伏恐非聖

朝旌有德表有功之意今逆寇英華作賊雖爾英華作殄人心猶

攜山洞海島往往結聚睦州草竊為蠹尤深唯憚藏用

之兵是以未敢進逼若此軍一散必羣盜交侵則臣此

州危亡是懼伏望早降恩旨以荅其勤錫之勳策委之

英華作以戎政俾忽統所領以鎮遏江表實江東萬姓顛顛

之望艱難之際人多二心英華作異言以宗子維城智勇如

此必能使寇賊姦宄不敢窺伺間隙則江淮足以高枕

而臥陛下可無英華作無有東顧之憂臣屬忝葭莩任居牧

守安危之分臣實預焉臣無任懇款之至

為江淮都統使奏破劉展兵捷書表肅宗上元二年

臣聞聖人之生不能使大盜不起唐堯英華作虞之代時則

有四凶在英華作之列王制所以誅不恪討不庭小者市朝

大者原野姦宄草竊何代無之劉展苞藏禍心為日固

久英華作久矣敢肆姦慝乘間阻兵長駢凶徒掩臣未備以

偽言亂衆謂天命在己於是有豕食淮泗鯨吞荆吳英華

楚之心使黎庶播越人神憤怒臣職司靖難敢不戮力

當英華憑廟略以殄寇讎謹遣副使少府少監攝侍御

史史下英華李藏用屯兵杭州伺隙進討且分處英華

盜害以遏其唐突賊衆狃于初役師輕而驕四字英華

脫不虞我軍能折其銳也乃以今月三日使其偽將軍

張幹朱法雲英華作德裕等領步卒英華七千馬軍英華

兵作六百徑入杭州東門焚燒閭閻鼓噪而進藏用引其

精卒設伏於英華途羸師張之使入死地然後整堂堂

之陣以薄其壘使左廂兵馬使潭州長史李澄為左軍

左第一將張巖光先鋒將李強李陵等佐之都押衙高

幹為右軍左押衙楊履和都虞候魏守寂佐之左第二

將皇甫山栖左三將梁朝康承寂左四將吳季之李楚

玉顏光允等督游軍之騎以彌縫其闕表裏合戰奇正

夾攻以將帥之餘勇困黎元之積憤奮皆敢死登必爭

先赤羽交而三軍風生金鼓鳴而萬夫氣作自卯至午

覆而敗之神扶電掃雷落山破噍類無餘隻車莫返鋒

鏑之血朱殷長江甲齊崇山尸作京觀實賴陛下聰明

齊聖與日月合照照字据故能慮圖發於罇俎而威靈

加於遠方臣等盡敵如拾芥成功如指英華掌惡氣殄

稜掃蕩無日海隅蒼生比屋何幸臣無任慶快之至

為江東節度使奏破餘姚草賊龔厲捷書表 代宗

臣聞皇天分時秋為司殺王者立極兵以禁暴唐虞有

共工苗人 英華作三苗 之患殷周有鬼方昆夷之戰蓋蠻夷

猾夏自古有之自頃胡寇作逆吳越震恐龔厲父子乘

閒起兵劫明州之人掠餘姚之地負阻 英華作後篇作險 海口

憑陵江干蟻聚偷安蠶食分 英華作取 給屬王師北伐未遑

南征逮茲乙春 英華作年 侵掠益甚將擬復 英華作得 東甌故地

窺南越僭迹邊邑黎庶為之騷然臣方荷推轂之寄懷

盡敵之計思所以扶乘天威圖制遠略料其貪而無整

勇而無剛烏合 英華作散 獸聚不足當堂堂之陣山潛海 後

水匿不足用桓桓之師難以力制易以計滅臣遂遣軍

將潘景蘭領輜馱數十輩偽為商旅傍山谷往來以餌

之又遣軍將呂道光領拍 音博 刀手一百人取其便道為

伏以待之遣軍將左璋率弩手一百五十人為左翼將

軍 英華作軍將 將余能變率弩手一百五十人為右翼皆三

吳良家百越勁卒爭賈餘勇樂於公戰蓬頭突鬢焱 英華

作駭火烈相為輔車夾敵之路又遣軍將張思覽率拍

刀手 英華作二 百人為中軍操中權之制以節其進退以

三月二十九日至青煙洞口果如臣策賊遂出山先者

遇伏鼓譟合戰於是奇正後篇作兵畢舉四軍夾攻賊衆奪

氣不知所守鳴鞀雷動飛鏑雨集轉戰四英華作數十里殺

其三百餘人英華曩屬尙稽天誅且偷晷刻收合餘燼八九

十人更登高堙背山借勢英華作一張思覽等連弩亂英華作並

發引軍合圍天聲揚而勇士厲銳氣作而妖星隕遂斬

元凶父子擒其妻孥餘黨僵仆原隰脂膏草莽猶恐蔣

潢翳蒼尙有伏姦遂攬山搜谷刮野掃地傾其巢窟一作

穴返旆而旋累載逋誅一朝撲滅非陛下聖謨神策與

天合契制勝兩楹加威後篇作威加四海則安能翦豺狼如

拉朽掃攙槍如英華作同拾芥使吳越又安江漢澄廓臣受

鉞未幾覩茲英華作同成功無任慶快之至謹差攝福州泉

山府別將左璋奉捷書以聞并齎逆賊父子頭奉獻伏

望後篇作請懸之藁街以示百姓其餘首級於當州臬示訖

所獲賊物各令分賞將士器械官收山海餘祇自取誅

滅既非強敵不足敘功謹錄奏聞懷玉按此篇在文苑英華五百六十六卷

又見六百八十四卷字稍不同篇中所注後篇是也

爲張洪州謝上表英華洪州下有刺史二字

臣某言伏奉某月日勅除臣使持節都督洪州英華作府諸

軍事洪州刺史充洪府等七州都防禦觀察等使臣才

不如人位忽過量仰戴天造兢然自失臣某誠惶誠恐

頓首頓首臣往歲祿山以盜泉飲臣臣受左袵之辱而

不能死陛下以鴻私活臣臣荷乾坤之施而不能答徒

竊寵祿英華作榮類表作秩三典藩郡至如俗阜類表作幸不擾人或

小康此實堯風被物比屋日用英華有臣字敢貪天功以為

己力不謂陛下獎勸是務以臣為勤自春徂秋凡三錫

命九州之伯臣忝其一況豫章重鎮荆揚奧區五嶺控

其南九江在其北連帥所英華作軍師之統安危是繫分憂之

寄豈臣足當負荷恩輝英華作光懼隕越上疑脫深字或大字

于下于下二字據英華補今以某月日到所部英華作任所上訖謹

當靖恭守位夙夜在公宣皇猷以導風俗仗天威以訓

師旅庶以四境無虞百姓輯睦為報力或或字據英華補不足

則繼之以死臣之分也敢有二事臣無任喜懼之至謹

奉表陳謝以聞至下七字據英華補

為獨孤中丞天長節進鏡表肅宗

臣某言臣仕於太上聖皇之朝早蒙寵秩位至剖竹任

兼干城摩頂至踵皆聖皇所錫陛下又不以臣菲薄加

臣憲威殊私降臨榮命重疊臣真雖罄誠竭節竟未能

夷凶靜難思所以仰酬天造緬邈無階以去年五月五

日於淮陽鑄上件鏡欲獻之行在為聖皇壽冀申犬馬

之意臣子之心屬豺狼方熾道路艱阻懇願空積上達

無由今宸極正而乾坤貞觀驚塵英華作收而日月開

朗當白露盛序之秋正黃河澄清之日臣幸逢佳節願

展微誠謹遣謹遣下英華有某官二字某乙進上件二鏡一獻聖皇

一獻陛下輒以愚懇英華作上上續聖壽英華作上臣伏以

聖皇執契垂化有如金玉之式陛下時乘馭天駟飛龍

於國步臣故以金龍飾鏡以表聖德伏冀纖塵莫翳朗

鑒長懸挂仙臺而如日之昇含品物而無私不照而臣

之肝膽亦庶呈於此輕贖宸展戰越交深臣無任

為獨孤中丞讓官爵表

臣聞任非其賢則負乘之寇至寵過於分則尸素之患

生所以建官者必惟賢是擇就列者亦量力而處臣幸

以駕蹇遭逢盛明頃當遏亂之日謬以專城見委雖常

嘗膽歷年然未有以報國陛下獎臣微効驟加崇班以

執憲剖符之職兼推轂授鉞之寄位至十連澤及三族

臣豈不知踰涯越分冒寵叨榮顧凶黨尚存王師未戢

當聖主宵衣之日非臣子釋負之秋是以勉勵疲朽不

敢陳讓然爾來竟未能奮一奇展一策掃蕩寇賊仰酬

恩私而事乖誠願又加風疾無功而當厚賞抱病而處

大藩尸位曠職臣實增懼今聞大軍長驅已濟河圍鄴

被氛沴氣朝暮廓清聖朝方當櫜弓矢而休牛馬搜俊

父以備駕驚豈臣菲薄之質疲茶之身所宜猶握兵要  
仍居寵秩使上黷朝倫下速官訪以臣固陋猶知其不  
可況陛下聖心乎伏乞特降睿慈矜臣疋察許臣停官  
養疾以避其賢良則悽悽餘生於茲幸甚臣無任感戴  
之至

為獨孤中丞謝賜紫衣銀盤碗等表

臣某言今月十九日越州長史盧漸至伏奉某月日勅  
書特賜慰勞聖藻御札降臨自天二十三日中使劉光  
俊至又奉宣口勅賜臣衣一副銀盤碗等各一兼百索  
一作素一筒紫衣十副分賜用命將士端午續命推心而

澤流萬里頒賜而慶及三軍臣等捧戴恩渥隕越是懼  
臣某誠惶誠恐頓首頓首臣拔自周行見委戎律受金  
鉞分竹符荷天之寵歲一周矣竟未能虔奉廟略誅鉏  
殘寇使邊烽尙燃虜馬未卻臣之罪也陛下不以臣官  
非其據任重於方而驟降殊榮累加厚賜天文下矚而  
星辰爛燦宸翰俯臨而煙雲飛動况盤盂器用章服繪  
綵賜臣為壽施及行間投醪之恩未足言醉挾纊之德  
會何喻暖臣等雖勉勵忠勤誓清塵霧然絲髮之効未  
展雨露之渥亟加揣分循涯臣懼深矣謹當宣皇恩以  
勵將帥奉師律以練甲兵必使江海無虞士卒知訓然

後畢力殄寇以荅鴻私臣無任

謝濠州刺史表

英華作濠州刺史謝上表

臣及言臣伏奉今年五月一日勅授臣使持節濠州諸

軍事濠州刺史臣頃待罪禮官備位

英華作員

郎署職曠無

補增懼且媿陛下不以臣愚擢居二千石之列今之刺

史古之諸侯州人安否繫在一吏臣非其才無以稱旨

奉詔之日懼又甚焉以聞六月十二日到所部

英華作到任所

上訖唯當奉宣聖猷竭誠帥下瞻戀天造酬効無階臣

無任喜懼之至謹附驛奉表陳謝以聞臣及誠惶誠恐

頓首頓首

至下十九字据英華補

謝舒州刺史兼加朝散大夫表

代宗

臣及言臣奉七月十八日勅加臣朝散大夫使持節舒

州諸軍事舒州刺史充當州守捉使兼知淮南岸當界

緣江賊盜臣典濠州無政可紀人幸不擾時和所致流

者稍復年登之力臣敢貪此以為己能陛下過聽驟降

殊獎

英華作私

既增之秩又命以服無德受賞媿

英華作幸

孰甚

焉仰戴皇渥

類表作澤

且榮且懼今以九月二十七日到州

上訖經積年寇盜瘡痍之後百姓流竄

英華作浪

十不一存

臣以奉宣聖慈與之休息勞來緇寡薄

英華作寬

其徭賦是

以英華作

招攜亡者撫柔存者庶經秋之後頌或

英華作頌或

致作或安集非曰能爾冀竭力焉臣無任感戴之至謹奉表陳謝以聞無任下十一字据英華補

謝加司封郎中賜紫金魚袋表代宗

臣及言伏奉三月一日勅加臣檢校司封郎中使持節舒州諸軍事兼舒州刺史充當州團練守捉使仍知淮南岸當界緣江賊盜賜紫金魚袋殊榮厚渥驟鍾臣身且喜且駭英華作驚以媿以懼臣聞堯舜建官三考黜陟漢代二千石以循良稱者於是有璽書勞勉增秩賜金之制臣到官始半歲職事未有所補見在戶口纔有地著其中鰥寡疲弱不能自存者十猶六七徵遣征賦未嘗

及期此臣政不逮力不任之效獲宥罪戾幸固深矣豈謂皇恩驟降復以古典命臣加位授服寵過臣量伏讀

詔旨英華作書懼孰大焉此則古荆舒之地詩人懲其剽輕復當賊寇虔劉比屋流亡之後其人心已難安易動況

加徭役稅斂日不獲已綫之則驕急之則散輯柔底綏之道尤非愚臣所及伏思夙夜英華作伏當宣風勉勵力安斯

人省事以慰其愁示信以杜其爭亦冀俗稍務本人漸足食使貢賦之入歲增月長三歲丈比以版圖歸於有

司犬馬之心也敢有貳事臣無任感戴之至感戴四字据英華補

謝常州刺史表英華作常州刺史謝上表

臣及言臣伏奉去年十二月二十三日勅授臣使持節

常州諸軍事守常州諸軍六字刺史充常州團練類表

道守捉使臣伏以江東之州常州英華作最為大類表作常

陛下不以臣不肖拔臣於羣吏之中以考則年未久以

勞則功無可錄而除拜之次加於人一等臣及誠惶誠

恐頓首頓首臣往歲嘗忝諫官歷博士尚書郎之秩雖

備嘗獻納累黷天聽英華作聰竟無絲髮裨補明盛英華作

及典濠舒乙州出入七年又不能副陛下政平訟息與

我共此英華作理之歎至如流人自占旱不為災實由陛下

當勤恤英華作雨之初下哀痛之詔寬減租稅入三分之二

是以和氣傍感災變為福福流臣州人是以類表臣

寧敢貪天之功以為己力今陛下賜臣詔曰斷獄歲減

流庸日歸以八俗之豐給當淮湖之災早陟爾明效宜

列中朝臣無其實謬奉殊恩英華作獎伏覽聖旨惶悚隕越

況陛下厲精百揆之始日以堯吁舜咨苟求俊造或經

時不除一吏除必以公才為先苟非其人位不虛授搢

紳之輩僥倖望絕臣當如此如此二字非浴類表獨荷

榮寄人之多幸將自臣始致寇速諫實憂自貽今以三

月十七日到州上訖雖顧顧字英華作勵疲鈍增英華

脩吏職懼力不逮上累皇明奉詔夕惕且慙且駭無任

感戴喜懼之至謹奉表陳謝以聞

至下七字  
据英華補

常州奏甘露降松樹表

臣及言臣州內廳東階下二松樹自今年十月十三日  
夜至今月十八日夜前後二十七度甘露下降樹根枝  
葉霑灑皆徧潔白凝沍味同飴蜜餘洒滴地委積成泥  
傾州官吏咸共榮觀臣謹按鷓冠子云聖王之德上及  
太清下及萬靈則甘露下瑞應圖曰王者德至於天則  
甘露降松柏陛下實行慈儉懷柔遠近無為之政與太  
古同風故天地氣和合而呈瑞况休徵感應之始當陛  
下降生之日皇符昭晰天意炳煥蓋表聖壽寶歷將與

天比崇臣為州三年無績可紀疲朽何幸目覩禎祥臣  
無任喜忭之至謹奉表以聞伏望宣付史館

毘陵集卷第五終

